

REGIONAL NEWS UNIT
ALL INDIA RADIO, SILCHAR

EVENING BULLETIN : BENGALI

Date:- 13-12-2017

Time : 19:55-20:05 Hrs

বিশেষ বিশেষ খবর :-

১. উত্তরপূর্বাঞ্চলের পরিকাঠামো উন্নয়নের জন্য কেন্দ্রীয় সরকার প্রতিশ্রুতিবদ্ধ বলে কেন্দ্রীয় প্রতিরক্ষা দপ্তরের প্রতিমন্ত্রী সুভাষ রামরাও ভামরেই এর মন্তব্য ।

২. ব্রহ্মপুত্রের জল দূষিত হবার বিষয়ে কেন্দ্রীয় সরকার সব ব্যবস্থা গ্রহন করেছে এবং চীনের সঙ্গে যোগাযোগ করা হয়েছে বলে প্রধানমন্ত্রী নরেন্দ্র মোদির মুখ্যমন্ত্রী সর্বানন্দ সনোয়ালকে আশ্বাস ।

৩. রাজ্যের গ্রামোন্নয়ন প্রকল্পগুলি রূপায়নের অগ্রগতি খতিয়ে দেখতে আজ গৌহাটীতে একটি পর্যালোচনা বৈঠক অনুষ্ঠিত ।

এবং

৪. সরকারের বিভিন্ন প্রকল্প ও কল্যানমূলক কার্যসূচীর সঙ্গে আধার সংযোগ বাধ্যতামূল করার বিরুদ্ধে দাখিল করা একটি আবেদনের আগামীকাল শুনানী গ্রহন ।

বিস্তারিত খবর :-

উত্তর-পূর্বের উন্নয়নের জন্য কেন্দ্রীয় সরকার প্রতিশ্রুতি বদ্ধ বলে জানালেন কেন্দ্রীয় প্রতিরক্ষা প্রতিমন্ত্রী ডক্টর সুভাষ রামরাও ভামরে । অরুনাচল প্রদেশের নিম্ন দিবাংগ উপত্যকা জেলার ইজে নদীর উপর নির্মিত দেওপানী সেতুর উদ্বোধন করে মন্ত্রী শ্রী ভামরে গতকাল একথা বলেন । মন্ত্রী বলেন যে রাজ্যের প্রচুর সুযোগ রয়েছে যা দক্ষিণ-পূর্ব এশিয়ার সঙ্গে অর্থনীতির নতুন দ্বার খোলে দেবে । মন্ত্রী আরো বলেন যে এই সেতুটি এ অঞ্চলের আর্থ-সামাজিক উন্নয়ন ছাড়াও ভারত-চীন সীমান্তে প্রতিরক্ষা সামগ্রীর বহনে সহায়ক হবে ।

ব্রহ্মপুত্রের জল দূষিত হবার বিষয়ে গতরাতে নতুনদিল্লীতে প্রধানমন্ত্রী নরেন্দ্র মোদির সরকারী আবাসগৃহে এক গুরুত্বপূর্ণ বৈঠকক অনুষ্ঠিত হয় । মুখ্যমন্ত্রী সর্বানন্দ সনোয়াল এব্যাপরে দ্রুত ব্যবস্থা গ্রহনের জন্য প্রধানমন্ত্রীকে অনুরোধ জানান । কেন্দ্রীয় স্বরাষ্ট্রমন্ত্রী রাজনাথ সিং , অর্থন্ত্রী অরুণ জেঠলী , সড়ক পরিবহন ও মহাসড়ক বিভাগের মন্ত্রী নিতীন গাড়কারী এবং বিদেশপরীক্রমা মন্ত্রী সুষমা স্বরাজ অংশগ্রহন করেন । বৈঠকে প্রধানমন্ত্রী বলেন যে কেন্দ্রীয় সরকার ব্রহ্মপুত্রের জল দূষিত হবার বিষয়টি গুরুত্বসহকারে গ্রহন করেছে এবং এরজন্য প্রয়োজনীয় ব্যবস্থা গ্রহনের জন্য জলসমূহ মন্ত্রনালয়কে নির্দেশ দেওয়া হয়েছে । ব্রহ্মপুত্র যেহেতু চীনের মধ্যে দিয়ে বয়ে এসেছে তাই এর উৎস ও প্রবাহিত স্থল থেকে দূষিত হবার বিষয়টি নিয়ে চীনের সঙ্গে আলোচনা করার জন্য বিদেশ মন্ত্রনালয়কে ইতিমধ্যে নির্দেশ দেওয়া হয়েছে বলে প্রধানমন্ত্রী জানান । বিদেশমন্ত্রী সুষমা স্বরাজ বলেন যে এবিষয়ে চীনের সঙ্গে যোগাযোগ করা হয়েছে ।

মুখ্যমন্ত্রী সর্বানন্দ সনোয়াল আজ নতুনদিল্লীতে কেন্দ্রীয় সড়ক পরিবহন ও মহাসড়ক বিভাগের মন্ত্রী নিতীন গাডকারীর সঙ্গে দেখা করে রাজ্যের সড়ক যোগাযোগ ব্যবস্থার বিভিন্ন বিষয় নিয়ে আলোচনা করেন। মুখ্যমন্ত্রী গৌহাটী মহানগরী সম্প্রসারণের জন্য রাজ্য সরকার স্টেট কেপিটেল রিজিয়ন গড়ে তুলতে ইচ্ছুক বলে পরিবহন মন্ত্রীকে জানান। সেই উদ্দেশ্যে স্টেট কেপিটেল রিজিয়ন এলাকার পরিবহন ব্যবস্থা দ্রুত উন্নত করার জন্য একটি রিং রোড নির্মানের প্রস্তাব মুখ্যমন্ত্রী দাখিল করেন। কেন্দ্রীয় মন্ত্রী এই রিং রোড নির্মানের ক্ষেত্রে সম্মতি জানিয়ে এর জন্য রাজ্য সরকারকে জমি আবন্টনের ব্যবস্থা করতে বলেন। বৈঠকে ব্রহ্মপুত্রের উভয় পারে এক্সপ্রেস হাইওয়ে নির্মানের বিভিন্ন বিষয় নিয়েও আলোচনা করা হয়।

রাজ্যের গ্রাম উন্নয়ন প্রকল্পগুলি রূপায়নের অগ্রগতি ক্ষতিয়ে দেখতে আজ গৌহাটীতে পঞ্চায়েত এবং গ্রাম উন্নয়ন আয়ুক্তের সভাকক্ষে এক পর্যালোচনা বৈঠক অনুষ্ঠিত হয়। রাজ্যের অতিরিক্ত মুখ্য সচিব এম জি ভি কে ভানু এবং পঞ্চায়েত ও গ্রাম উন্নয়ন আয়ুক্ত ডঃ জে বি এক্সা এই পর্যালোচনা বৈঠকে অংশ নেন। বৈঠকে বিভিন্ন বিভাগীয় আধিকারিকরা মহাত্মা গান্ধী জাতীয় গ্রামিন স্বনিয়োজন প্রকল্প, প্রধানমন্ত্রী আবাস যোজনা ইত্যাদি প্রকল্পের অগ্রগতির বিষয়ে আলোচনা করেন।

২০০১ সালে আজকের দিনে সন্তাসবাদী আক্রমণের সময় সংসদ ভবনের সুরক্ষার জন্য প্রান আহতি দেওয়া বীর শহীদদের প্রতি সমগ্র দেশবাসী আজ শ্রদ্ধা নিবেদন করেছে। উপরাষ্ট্রপতি তথা রাজ্য সভার অধ্যক্ষ এম ভেংকাইয়া নাইডু, প্রধানমন্ত্রী নরেন্দ্রমোদী, লোকসভার অধ্যক্ষা সুমিত্রা মহাজন, প্রাক্তন

প্রধানমন্ত্রী ড: মনমোহন সিং সহ কয়েকজন কেন্দ্রীয় মন্ত্রী, সাংসদ, ও বিভিন্ন রাজনৈতিক দলের নেতারা আজ সংসদ ভবনের স্মৃতি ফলকে শহীদদের প্রতি শ্রদ্ধা জানিয়ে পুষ্পার্ঘ্য নিবেদন করেন। উল্লেখ্য আজকের দিনটিতে সন্ত্রাসবাদীদের সংসদ ভবনের ভেতরে প্রবেশ করতে বাধা দিতে গিয়ে রাজ্যসভার সংসদীয় সুরক্ষা সেবার দুজন, দিল্লী পুলিশের ৫জন ও সি আর পি এফ এর একজন মহিলা কনস্টেবল পান আহতি দিয়েছিলেন। এই ঘটনায় কেন্দ্রীয় পূর্ত বিভাগের একজন মালীও নিহত হন।

উচ্চতম ন্যায়ালয় বলেছে যে সরকারের বিভিন্ন প্রকল্প ও কল্যানমূলক ব্যবস্থার সঙ্গে আধার বাধ্যতামূলকভাবে সংযোজিত করার বিরোধীতা করে দাখিল করা আবেদন সম্পর্কে ৫জন বিচারপতিকে নিয়ে গঠিত খন্ডপীঠ আগামীকাল শুনানী গ্রহন করবে। মুখ্য বিচারপতি দীপক মিশ্র, বিচারপতি এ খান্ডবিলকার ও ডি ওয়াই চন্দ্রচূড়কে নিয়ে গঠিত খন্ডপীঠ বলেছে যে আধার বাধ্যতামূলক করার জন্য সরকারের সিদ্ধান্তের বিরুদ্ধে অন্তর্বর্তী স্থগিতাদেশ জারী করতে দাখিল করা আবেদন সম্পর্কে ৫জনের বিচারপীঠ আগামীকাল শুনানী গ্রহন করবে। এদিকে যেকোন ধরনের সেবা ও কল্যানমূলক প্রকল্পের ক্ষেত্রে আধার বাধ্যতামূলকভাবে সংযোজিত করার সময়সীমা কেন্দ্রীয় সরকার ইতিমধ্যে ৩১শে মার্চ পর্যন্ত বৃদ্ধি করেছে।

প্রবীণ কংগ্রেস নেতা শ্যামানন্দ মিশ্র আজ ভোর চারটেয় নরসিংপুর বেকিরপারে নিজ বাসভবনে শেষ নিশ্বাস ত্যাগ করেন। বয়স হয়েছিল ৬৪। তিনি আসাম প্রদেশ কংগ্রেসের সম্পাদক সহ জেলা যুব কংগ্রেসের সাধারণ সম্পাদক, জেলা কংগ্রেসের সাধারণ সম্পাদক, সহ দলের বিভিন্ন গুরুত্বপূর্ণ দায়িত্ব পালন করেছেন। তাঁর মৃত্যুতে সাংসদ সুস্মিতা দেব, প্রাক্তন সাংসদ

কর্নেন্দু ভট্টাচার্য ,জেলা কংগ্রেস সভাপতি প্রদীপ কুমার দে ,জেলা কংগ্রেসের ভারপ্রাপ্ত সভাপতি মণিকান্ত সিনহা ,কংগ্রেস দলের নেতা অরুণ দত্ত মজুমদার ,এন এস ইউ আই সভাপতি জাবেদ আহমেদ লস্কর সহ বিভিন্ন দলীয় নেতারা শোক প্রকাশ করেছেন ।এক শোক বার্তায় সাংসদ সুস্মিতা দেব বলেন যে প্রয়াত শ্যামানন্দ মিশ্র কংগ্রেস দলের একনিষ্ঠ সেবক ছিলেন, তাঁর মৃত্যুতে দল একজন দক্ষ সংগঠককে হারিয়েছে বলে তিনি মন্তব্য করেন । শিলচর জেলা কংগ্রেস কমিটির পক্ষ থেকে ও তাঁর মৃত্যুতে গভীর শোক প্রকাশ করে শোক সন্তপ্ত পরিবারের প্রতি গভীর সমবেদনা জ্ঞাপন করা হয়েছে ।

নিখিল বিষ্ণুপ্রিয়া মণিপুরী স্টুডেন্ট ইউনিয়ন এবং বিষ্ণুপ্রিয়া মণিপুরী গনসংগ্রাম পরিষদের আগামী ২১শে ডিসেম্বর থেকে প্রস্তাবিত একশ এক ঘন্টার বরাক উপত্যকায় রেল অবরোধ কার্যসূচীকে স্থগিত রাখতে কাছাড় জেলা প্রশাসনের পক্ষ থেকে অনুরোধ জানানো হয়েছে । আজ শিলচরে জেলা উপায়ুক্তের সভাকক্ষে অতিরিক্ত উপায়ুক্ত বি সি নাথের পৌরহিত্যে আয়োজিত সভায় রেল অবরোধ আহ্বানকারী সংগঠনগুলিকে বলা হয় যে বর্তমানে জাতীয় নাগরিক পঞ্জী নবায়নের মতো জাতীয় কার্যসূচী চলছে । এখন রেল অবরোধ হলে সাধারণ মানুষ বিভিন্ন ভাবে সমস্যা সম্মুখীন হবেন বলে জেলাপ্রশাসনের পক্ষ থেকে প্রস্তাবিত রেল অবরোধ আপাতত স্থগিত রাখার অনুরোধ জানানো হয়েছে ।

CITU র আহ্বানে আজ দেশের বিভিন্ন অঞ্চলের সঙ্গে শিলচরে ক্ষুদিরাম মূর্তির পাদদেশে তাদের ১২ দফা দাবীর ভিত্তিতে বিক্ষোভ কর্মসূচি পালিত হয়েছে । দাবীগুলোর মধ্যে রয়েছে দ্রব্যমূল্য রোধকরা , নূন্যতম মজুরি

১৮ হাজার টাকা করা ,পাঁচগ্রাম কাগজকল অবিলম্বে চালু করা ইত্যাদি ।এতে সারা ভারত কৃষক সভা ,ভারতের যুব ফেডারেশন ,ছাত্র ফেডারেশন ,নিখিল ভারত গণতান্ত্রিক মহিলা সমিতির সদস্যরা অংশগ্রহন করেন ।

শিলচর মেডিক্যাল হাসপাতালে গতকাল রাতে এক রোগীর মৃত্যুকে কেন্দ্র করে অপ্রীতিকর পরিস্থিতির সৃষ্টি হয়। পরে মালুগ্রাম পুলিশ ঘটনাস্থলে পৌছে পরিস্থিতি নিয়ন্ত্রনে আনে। এদিকে সংশ্লিষ্ট চিকিৎসকরা এই ঘটনার তীব্র নিন্দা জানিয়েছেন। তারা এই বিষয়ে চিকিৎসকদের জাতীয় স্তরের ইউনিয়নে অভিযোগ জানাবেন বলে সংবাদ প্রতিষ্ঠানের সঙ্গে এক সাক্ষাৎকারে জানিয়েছেন ।

হাইলাকান্দির ঐতিহ্যবাহী রবীন্দ্রমেলায় বিভিন্ন বিষয় নিয়ে আলোচনার উদ্দেশ্যে জেলা উপায়ুক্ত কৃষক গোবিন্দ ভূঁইয়া আগামীকাল বেলা ১১ টায় এক সর্বদলীয় বৈঠক আহ্বান করেছেন । জেলাউপায়ুক্তের সভাকক্ষে অনুষ্ঠেয় এই বৈঠকে মেলা পরিচালন সমিতির সদস্য সহ জেলার তিন বিধায়ক , রাজনৈতিকদলের প্রতিনিধি,তথা জেলার প্রবীণ এবং বিশিষ্ট নাগরিকদের উপস্থিত থাকতে অনুরোধ জানানো হয়েছে ।উল্লেখ্য কার তত্ত্বাবধানে এই মেলা অনুষ্ঠিত হবে ,এই বিষয় নিয়ে জটিলতা সৃষ্টি হওয়ার পরিপ্রেক্ষিতে উপায়ুক্ত শ্রী ভূঁইয়া এই সভা আহ্বান করেন ।

চিবিটা বিছিয়ার তাপাং গ্রাম পঞ্চায়েত এলাকার স্থানীয় জনসাধারণের পক্ষ থেকে আজ কাছাড়ের জেলা উপায়ুক্তের কাছে একটি স্মারক পত্র দিয়ে আগামী গ্রাম পঞ্চায়েত নির্বাচনে এলাকার দশ নম্বর গ্রুপ সদস্যের পদটি সাধারণের জন্য সংরক্ষিত করার অনুরোধ করা হয়েছে। স্মারকপত্রে উল্লেখ করা হয়েছে যে তাপাং গ্রাম পঞ্চায়েতের দশ নম্বর গ্রুপ সদস্যের এলাকায় সাধারণ জনসাধারণ সংখ্যাগরিষ্ট কিন্তু এবার এই আসনটি তপশিলিদের জন্য সংরক্ষিত করা হয়েছে। অবিলম্বে দশ নম্বর গ্রুপ সদস্যের আসনটি সাধারণের জন্য সংরক্ষিত করতে অনুরোধ করা হয়েছে।

হাইলাকান্দি জেলার সরসপুর গ্রামের এস কে রায় মাধ্যমিক বিদ্যালয়ের প্রধান শিক্ষক ধরনী কান্ত গোস্বামী সহ বিজ্ঞান শিক্ষক আব্দুল জলিল চৌধুরী এবং অসমীয়া বিষয় শিক্ষক রেজাউল করিম বড়ভুঁইয়াকে কর্তব্যে অবহেলা এবং ছাত্র-ছাত্রীদের থেকে পরীক্ষার অতিরিক্ত মাসুল সংগ্রহ করার অভিযোগে কারন দর্শানোর নির্দেশ পাঠানো হয়েছে। জেলার বিদ্যালয় পরিদর্শক রুথ লিয়াংথাং আগামী চার দিনের মধ্যে এই তিন শিক্ষককে কারন জানাতে বলেছেন।

কাছাড় নেহরু যুব কেন্দ্রের সহযোগিতায় এবং মতিনগরের শুভশ্রী সংঘের পরিচালনায় বিনাকান্দি ব্লক ভিত্তিক ক্রীড়া প্রতিযোগিতার ফাইনাল খেলা আগামীকাল স্থানীয় দিদার খোশ এম ই স্কুলের খেলার অনুষ্ঠিত হবে। আগামীকালের ফাইনাল খেলা ভুবন ভ্যালী চা-বাগান এবং দিলখুশ ইউনাইটেড ক্লাবের মধ্যে অনুষ্ঠিত হবে।

-----সমাপ্ত-----